

松鄉先生集卷上

松鄉先生集卷上

五言古詩

耐交吟

魚遊北海潮水偃南山
坳剖木：有漆煮魚：有膠
二物幸相遇締固不可搖
如何用心人不耐白首交

冬日

滋霧行冬曦玄春散臘樹
江郊卧歲年風雨犯百慮
出門山班：下有鳥隻翥
山深鳥翼寒啁：咏中步

寄陳宣慰帖

松鄉先生集卷上

耐交吟

松鄉先生集卷上

松鄉先生集卷上



NATIONAL CENTRAL LIBRARY, TAIWAN, R.O.C.

客從崑崙來遺我一寸膠投之東海中濁浪生清濤
世人飲涇水淪浹如村醪醉久與俱化復惡醒者勞
客笑予亦休涇水方溜：

顧道士松巖園

貞姿自孤特况乃生巖高巖高抱石乳貞姿懷茯苓
所以松間人獨誦黃庭經清雲傲白石野潤含青冥
便欲托中履何用腰紅鞋

荒村布

荒村一機布辛苦朝至夕置之倚羅傍不入金粟尺
持歸語村婦投梭面不憚機手那可換明年漚麻白

投容齋徐大使

湖山出清夜靜揖萬井喧誰持白月行鬼物肝膽寒
徘徊弄明光孤照款墮軒不眠坐成曉海濶屢氣昏

又

幽蘭濯天秀玉立寄岩壑生同野草青老壓俗眼白
豈無桃李榮東風心輕薄作書戒荃蓀深根付開落
謝廣為真人假以自然處士之號

處士猶處士聲光畏人聞政如豹隱霧又似虬蟠雲
乾坤照孤耿草樹含幽薰虛名儘可乞何以娛斯文

留別沈介石尊師

我今遊山來竟坐三日雨洞深石頸滑對面成幽阻
平生韓退之衡雲故吞吐復恐北山移林慚掩虛戶
人間出處事造物政未許下山見塵霧回首天一柱
用韻酬陳渭叟林伯清

侍家君行雷公山中謁大父墓因和淵明韻

歲月不可恃四時如番休今日復何日父子同嬉遊
雷公山氣佳春水生溪流上有冥飛鴻下有忘机鷗

杖履遍林谷徘徊依先立樵收賞我趣班荆為賓儔
酒酣忽高歌山空聲相酬昔者焦先庐似此深密不
衣冠不足惜陵谷非吾憂松根茯苓長便此居何求

春晚

春風吹紅殷散作綠樹雨繁華作當軒清影已滿戶
晨興散髮坐耄鳥對我語一笑江海滌萬事天地古
富貴不可招貧賤那可拒誰能安其常黔婁有賢婦

賦用拙齋

青山有神姿白玉足清弄高人息世鞅田父好懷共
量生未上書意氣不可拙柳子既一揮乃歆託愁諷

簷蛛布晴網野繭作春甕物化固何如勿語癡人夢

岳鄂王墓

忠魂比明月可死不可滅空堂坐貂蟬荒塚埋碧血
當時劔花寒肝膽照北闕君臣計已定一死何足雪
湖山翁仲青坐見氣消歌欲語老胥心飛濤過吳越

登初陽樓

人生塵埃中白日送昏曉不上初陽臺百年空自老
神光散瑤天寶氣橫碧草想當年成時颺車謁黃道
丁公骨已寒士女跡亦掃獨有山水泉清甘散群槁
秋風灑銅盤夜月照吳淞陂竹不歸來浩歌林影悄

賦當塗靈鷲山月印池

池水魚流時月明無定姿池空明月來上下光琉璃
但惧陰晴多相遇長參差咄哉會心人庶以坎自持

登餘杭綠野亭望吳詩山懷子昂

乘舟出東廓泛々茗上溪起登綠野亭玉人片雲西
遙知水精宮坐與天人稽鷗波付浩蕩未足成齒棲
泝流竟欲往相與尋孤携

遊石棋盤醉歸分韻得邊字

詩酒日廢人事數日故少疎之道士黃季勉
出荷包中錢二索沽酒意行初過吳守道見

菊花

菊花數本正復可人其翁出酌三行再過謝
希聖盆花標致殊倍於吳試朱砂盃亦三酌
徑上石盤山看仙人奕棋遺跡雖爛柯之客
不來而橘中之樂如在也歸坐溪西酒肉具
矣為舉太白劇醉尚念吾徒兄弟四海今鬱
、山城間意氣相得徒此五六人如膠漆相
投勺合秤停乃事磨刷游以泄其趣酒以陶
其真詩以出其蘊豈獨高陽徒乎分杏樹壇

邊漁父韻

一雁不度海啣蘆列青天孤疏怯走壑遠赴百道泉

結交貴日廣不廣空壯年搏沙固易散投漆固易堅
所以日共飲山花列秋筵道士黃石孫亦解供酒錢
初遊濮陽家再醉康樂前却首仙人棋危石如平田
山風子聲寂洞日飄影嚮歸來忽自笑我豈非謫仙
更喚酒杯入健倒東籬邊摸索溪石白莫嗔我欲眠

七言古詩四言附

書族祖拓齋先生白頭吟卷後

少陵三賦明光宮清吟往、嗟不逢退之文章起八
代獨與東野相追從詩人肝脾有清氣語嘿正與時
交通我翁聲名四十載回首清廟埋黃鐘懸將萬斛

扛鼎力波瀾卷入呻吟中酒酣院籍已類達瓶室靖
節祇言窮顧魚一語道與什自與大雅同汚隆諸孫
習氣掃未盡日有元白來郵筒更從帳下給騶卒一
盃俛仰天夢

海扇

海中有甲物如扇文如瓦
屋三月三日潮盡乃出

漢宮佳人班婕妤好香雲一篋秋風初細垂蒼：思自
淺犹抱明月馮夷居至今生怕秋風面三月三日後
一見对天搖動不如烹肯入五雲清暑殿

公子舞歌

明河在天不可舫我欲汲之成酒醪維北有斗不可

量我欲把之為酒觴人生豪誕有如此况有開筵柳
公子公子平生白苧袍酒酣起舞天為高大鵬長風
九萬里老鮫鱗甲秋江水坐中忽唱河西曲琵琶聲
高裂寒玉態濃海樹出鷓鴣意足霜枝下鷓鴣為君
一洗兒女目衆賓白髮白宰酒情歡不用夫起壽長
空更喚明月來人影攬樂風滿袖

鳳求凰

鳳將：求其皇、既遂辭毋傍遂皇孔良不與毋同
翔鳳心長海樹涼

劉將軍射虎行

半濕新蹄山徑曉於菟夜渡海中島百夫鼓譟屋瓦
震將軍彎弓白日皎地形平露草不長狂嘯無風威
欲倒玄翎一中洞心胸坐拋木床脫鬚爪胃中白骨
誰家魂紅肉已供人醉飽人生意氣不下堂車鐸當
當馮婦老

李唐春牧圖

春去熏人未耕作江草青：牛齒白牛飢草細隨意
嚼老翁曲膝睡亦着蓬頭不記笠拋却午樹當風夢
搖落夢裏牛繩犹在握昨夜回頭牛食簿

題赤松圖

安期一局石上碁減穀兩兒松下石山中人在蓬萊
宮夜半飛丹九天赤山人曉携白雲出袖中却帶金
華還朝廷有道海藥至金馬門外無青天

月下歌

月從東出西壁沉曾照千古萬古之人心人心只有
月照破達六當之成酒淫鄉下聞李太白蘇子瞻把
酒頻問月無月酒不斟月為抵愁之白玉酒為買笑
之黃金吾徒俛仰明月下月亦傲兀窺人深徑須推
覺倒甕為月盡一醉如何青天白眼於月還西岑狂
歌他日作佳事共道此樂今宵今

北山錢令公墓

北山老樹寒生耳三百年來閱城市馬嘶魚跡土花
香有客有客秋風裏當年玉節照人間朱顏羞殺江
南李誰將金盞不歸來忠孝子孫元不死空堂白日
坐衣冠漢祖嘗祠魏公子

寄題終南山甘河遇仙宮

河水甘河水甘車麟：春酣：平生不識劉海蟾解
瓢一酌香醪甜此屬盪觴人屬饜七蓮東海天光涵
行人千年下終南臨河不飲空停驂河水甘河水甘
送徐春野

往年徐春野來綜吾州吏事朔風裘馬意氣
偉甚今紫髯飛雪告父兄以去人貪以仕君
仕而貧吾不知人事竟何如也其所游松鄉
任某歌以送之

昨日之酒月滿樓今日之酒月滿舟三十度月：圓
缺期君看月丹山頭君携月色錢唐去我有濁酒誰
為酬功名一紙改復爾歲月兩鬢歸來休柳橋久負
秋夜笛花鬢老意春風喉鵬雲正高眼歷：鯤海未
運天悠：雄雞一聲騎當發兒頂上簪公侯

回禽言

大母偷小母偷翁落田兒收牛不併力令人憂但願
年、麥豐熟大母細母偷亦足

其二

行不得奇、未曙登程日已蹉腹飢足跡可柰何前
山雨暗豺虎多

其三

提壺、為君酌杏花村下誰家壚概平幟高有惡
大我寧不沽歸來子

其四

脫袴、破碎一針無補處誰持篋中新換我身上

故但得深閨有孟光年、袴破亦不惡

題翰墨十八輩封爵圖

翰墨十八輩皆凡案間不可闕一之物上標
封爵下圖其形傍書贊語殊有史臣之體余
觀之不去手畫筆精妍疑亦島外人所製詩

題其左

公子裝車從楚國十九人行一不足上階卒賴毛先
生招手相呼公碌、迎來翰墨十八人一日受封列
華物世上空成孺子名論功却笑中書禿人生慎勿
為事先乞留足矣張良獨

題默齋

不言之默吾全吾身吾言之默吾全吾真時行物生
夫子聖人

律詩

題大滌洞天

世路迥欲絕仙風杳若遺山餘秦漢跡石有晉唐詩
日月樓臺曉雲烟草木姿藏書更何地白首付幽期
訪牟大卿

自開黃葉徑城郭有山林老失相如壁貧嗟靖節琴
青天庭樹在白髮鏡塵深欵叩黃唐事寥々千載心

次韻吾子行新年

有道貧方樂無營坐亦深新詩知病後老髻覺年侵
信有乾坤力時勞江海心文園亦消渴渾愧白頭吟

其二

已分身特隱還驚老易過時來慰岑寂相與惜蹉跎
白髮短猶擗青銅暗欵磨人生有如此我醉子當歌

其三

雪後春風起天空江水來新年渾作客多病孰憐才
有道身先老無人首屣回承楨須不與聞已掃丹臺
用子行韻簡周景遠應奉

供奉平生酒中郎絕代書自便青瑣直未放碧山居
輩行人誰在行藏意自如絲綸須世掌曾識典墳初
送許君寔同知之任鄉邦因簡于有卿知州

一出已十載江流只目前家鄉荒政日客路獨醒年
南郡碑錢遠東山屐蘚圓歸心隨使鷁漠漠海雲邊

道訪子昂舟出苕溪

吾道何迂濶舟行六滯留客心當震澤詩卷出湖洲
風急初歸雁沙暝欲下鷗誰歌招隱曲白首若為酬

客遊華亭訪衛山齋

東浙青山少西湖白髮新漸多江海伴更卜水雲鄰

楊柳初籠雨蕙葭欲刺春不愁成汗漫天地有閒身

又

老缺魚魚久孤亭有鶴乘聲名為客累懷抱向人開
白雪仍巴曲黃金白隗臺一年春又半搔首雁空回

曉發衡山訪子昂學士

山林真學士天地一詩翁乘興不可返孤舟雪後風
浩蕩襟期別艱難道路窮何當真卜宅共老水精宮

送鄧善之修撰王省叟孫初心二提點同入京

師

客上耒并道人瞻李郭舟天清北斗近水白御河流

御月殊庭表文星禁掖秋相看多道氣同是泛瀛州

壽杜南谷席上得寒字

洞府人間見春風花底看新宮銘有草白石篆犹丹
道在人知往門涂客還歡會開唐正觀莫惜海漚寒

送吳養浩編脩入院

制作方期子編摩正得人重金須陞对良玉已庭陳
逸氣開塵濶清風起古淳騎驢當盛日犹見玉堂春

和吾子行見寄韻

坐覺秋風老貧犹借屋居長平空竹素何地不蘧庐
道義時相慰行藏日可書人生有知己我亦出魚車

送空菴焦禪師北上

有道身仍貴無言机亦空宗風當一代弟子已三公
啼沐青天外行藏白業中若為辭寇數回賜大江東

答上虞友人

古樹隔江流青天日夜浮天清家自遠月白地曾游
詩酒資何益功名老亦休歸心雲不礙東去又東頭

重游昇元埽寄陳道士

獨往有所適重來興未窮蒼雲山色外晴日樹聲中
世亦思遐舉吾方抱屢空平生司馬約回首起玄風

喜陳茂陽客埽

對坐頭俱白，愁來強欲歌。
出門知己少，遇事折肱多。
海氣依青嶂，年光暗綠莎。
不堪妻子笑，舌在欲如何。

上虞客中

黃葉空階曉，清齋白髮人。
千、風力緊滴、雨聲頻。
妻子千山遠，詩書一飯身。
人間有知己，垂老未相親。

垂老

垂老真無計，芳生白轉難。
佩雲春不暖，瓊雪夜能寒。
身世鸕鷀杓，行藏首藉盤。
東風有庭戶，悔不日追懽。

過華亭留別吳山諸友

出處何時定，歸棲老尚殘。
江山無倦客，天地有真知。

笠嶺呼猿日，華亭聽鶴時。
平生愛杯酒，到處付襟期。

東鄰

久不入城府，幽栖奈懶何。
新知相敬少，旧藁欲焚多。
風雨蛙雙郵，江山日一梭。
東鄰有朱阮，樽酒且頻過。

八月十五夜對月

客路惜年：中秋月白圓，正憐兒女側，不共弟兄前。
老去一丘壑，人生二頃田。
由茲游諒何事，清影未能眠。

和杜元用見過韻

湖上新樓好，相過不厭君。
年光異地老，客夢月江分。
聚散無虛跡，窮通有昔聞。
時遮西望眼，冉、見浮雲。

携家華亭

六月下扁舟人生入客游青山浮日遠白水際天流
老色先秋雁初心有海漚鹿門在何許吾道日悠悠

送延慶濟上人歸西

人世難為客心空不待年坐深千衲在道許一燈傳
白日論詩地青山住世緣高歌望吾子我亦買歸船
十二月初六日晚發松江

冬霞比春濃舟行日未東可能辭物役豈敢怨途窮
清興乘江水交情付曉風流年今白首何日擘飄蓬

送吳縣教之麗水任

城郭萬山中扁舟載北風溪清芹更碧地暖杏光紅
忠孝期多士源流接迥翁周郎有遺蹟吾道未終窮

九日詩寄明碧竹院

我豈人間客秋風託尔鄰一聲清唳曉萬里壯遊身
出處自有道棲遲未厭貧黃花謾情思清對未歸人

屏居

壯志輪囷未銷屏居萬事飽塵勞貧知渭竹真堪
傳老恨江梅不入騷山谷樵歌閒日月江湖魚計足
風濤妻孥燈後應相笑頭上如今有二毛

屢訪開元陳高士不值

我亦乾坤一腐儒，杖藜時訪白雲居。故人不入江海
夢，道士空驚世俗書。簫史鳳歸雲縹緲，劉郎桃在雨
扶疎。當年親見東風事，楊柳絲、二月餘。

和唐玉潜用友人韻見寄

獨憐鸞雪上蓬婆，未得逢君鏡水波。世上冬青高誼
少，山中日錄好詩多。白雲明月懷安石，細雨斜風老
志和。人事參商那有此，時勞相望意如何。

七夕客中

容易鄉心秋自生，紆餘老態日縱橫。無官謾賦五升
糴，有婦難呼一石醒。露氣滿山高木落，秋聲入屋短

蔡明薄田可買歸，無計屋漢年。浪影清

寄襄貴丁明府

小柱堂前手自裁，未沉沙塌已生苔。青山自笑不歸
去，白馬相看時獨來。涼月清宵誰與共，好花晴日不
須開。明年應度盧溝水，早寄春風郭隗臺。

丁亥吾邑
有瘦馬嘶

之賈校尉詩生講後必一來對余嘗嘶
如此者兩月其甥徐天麟歸奉承故云

絕句

題鏡石

靈靜無本點磨礮，不記春青天孤月在白髮幾人新。

鄧女墓

一卷書存禍未央
湖西人老淚浪浪
東風不與埋黃壤
孔雀屏添坐蔡郎

題外弟唐楠扇

南北阮郎皆白髮
東西施子共春風
人生得意何所羨
博後神業亦謾同

明皇貴妃並馬圖

宮坐已無素蓋却輦車
不見婕妤好辭夢
回南內淒涼夜
几度東風並馬馳

山平水遠圖

三峽波濤揭暮天
九疑草樹泣晴烟
人生住此空高

陰幾夜秋風得穩眠

四雁圖

江北江南秋正驕
孤飛萬里氣方豪
平生慣有冰霜翼
却笑東風燕雀高

其二

滿腹秋風鬱木開
一聲秋唳九天回
人間兒女有癡夢
明月樓頭獨往來

其三

孤味雙翎睡古香
芦花水淺海雲黃
城頭未落三更月
夢入青天萬里長

其四

兩翼清秋倦未翔
北風喉舌水雲鄉
菰蒲萬頃食不盡
肯與群鳧逐稻梁

湖山堂

樓臺影落空明外
鐘磬聲來紫翠中
白日一庭歌舞地
蕭蕭菰蔣已秋風

贈相者王月屋

布囊詩卷勝黃金
白紵烏紗碧眼深
自是清時少遺逸
不須物色到山林

又

地爐不鑄僮來錢
幾欲歸來着醉眠
白髮相首須一笑
人生富貴出長年

松鄉先生集卷下

句章 任士林 著

賦

復志賦

哉黃靈之淑胤兮旗所履而為姓越奚仲之有國兮
誕繩於車正逮長滕於宗周兮歷萬祀其猶競座
以言而發身兮鄙以力而稱聖紛支屬於五方兮既
班於家乘賈會稽之句章兮聿御史而有聞迭世
祚其顯味兮單斗海之有孫恥陞州之一曲兮羌豔
築於白雲抱昌鼻之仇德兮載圻項之擊髯辟長風

於萬里兮信散木之擁腫窮惘鄉之鬻卷兮矐余日
於蹇淺招庚癸於首山兮惧飢渴之不免孰知夫倡
翹之大呼兮勤茅經於叔展雨絕灑於碧虛矣兮空
回嚮於有渰木掩靚於春陽兮佩秋風之未慘忻吾
車之未駕兮謝直矢之多岐抱素絲之不染兮紛黑
白其何為軻者丹之奇餌兮不知魯句踐之良規大
良造之過軼兮不如退受安人之罵諱秦帽：子嫂
妹之詢忍兮痛脩辭於殉市之尸非潸：子子瑕之
愛憎兮迺惧夫妣賈与李斯惴僨軍之株坐兮悟不
死中之更溺憐女子之見賣兮悔不忍胯下之年

少讓不思國士之揃拂兮又何致必斬趙衣而仇報
亥不激屠門之醜曲兮又何致必椎晉鄙而危蹈心
固不可溺於所涉兮智固不可售於所市身固不可
試於綢繆子睚眦兮足固不可失於流行与以止惑
耦耕之招攜兮何滔二而不能守孔約而因貳兮憚
翼羽之人犧不察：於薇粟之重輕兮亮溝壑之有
命不悶：於蕭艾之糾結兮付江濱之行詠信皎々
其何之兮聊墨：以隱情卒餘懷之業兀兮庶察者
之見微道悠長而日邁兮因思謝之足懲尚壽考之
胤彭兮安知來哲之無情

遊越天門賦

柔兆之春二月既望任子與客泛舟遊於天門之表
于時颶母停颺慎卽卷霽飛滂不與歲漫無際始則
拖長綃偃帆腹裴裏蚌蛤之洲睥睨奄鼉之國少則
製：洩：汎：悠：勳如雲逝蕩若漚浮浩不知蓬
萊弱水之在昨也浮余覩於漢裔渺一世之嘉苴有
石塘萬里鱗：然隱波濤之下此殆祖龍氏之所鞭
乎何其神也吳洲暫來絕島遙沒隆：隱：過大業
天子之祠焉見其君臣黼冕將帥鼓旗儼然牙櫓錦
纜銜尾而維也又何其奇也昉二帝之所規悼生民

之不幸身未死而變隨顧英雄其何往於是停橈而
思：窮而愁作噫嘻悲夫客亦知夫天地之教廢興
無常而孰執其綱蚩不必擅觸之強荆不必暢比之
亡江上之寂：又安知非人世之揚：客遂鼓柁而
歌：曰擊蘭漿兮扣桂舷訪田氏兮平仲連數術不
可久御兮驚力不可謂賢然乎然哉吾烏計吾身之
久邇余迺獻脚唱小海以和之客復擊節順流而歸
不知舟中之有明月也

閔己賦有序

正月八日獨坐雷公山中天寒風緊抱書自

憐漸老醜之逼人慨盛時之下再匪私驛角
恐墜肩牆作閔已賦庶几成此志耳其詞曰
肆后皇之嘉貺具藐然之一身戴玄髮於芳髻含織
齒於厯脣匪肖貌之我私獨降質之尔淳有賦予之
重責尚墜緒之火根張余挾於幼眇自青襦而裹巾
尔淳濯於群污窺末光於德鄰孔孟吾之師不可以
復夢兮為誰門之人顏賜吾之友不可以遽作兮為
誰居之群倚泰山而長嘯俯黃河而孤嘶瞻飛雲於
月下訪流水於回堤謂雲行而月沒兮尔亦東而沉
西謂水逝而堤在兮忽高岸之為谿理不可以逆曉

事不可以深稽去者非人之所推陷者非人之所擠
來者不可以徑過降者不可以驟躋助余思之茫々
隱余神之凄々匪寒之足慮匪患難之足疑恟大
志之未立矧絕學之無依人不能憂余之憂兮余亦
不能悲人之悲聊紙筆以自係走四方而陳辭庶聖
道之未沫將援余之孤危

感雉鳴賦

余崑山之明日甲子日斜有鳥有鳥鳴于竹西頰搨
綺翼紺趾雖踈余睨而視之曰此殆丹鳳之儔耶嗟
乎哉山梁之雉也尔何為尔栖々者与鳴声益知如

語以臆曰承后皇之嘉惠胚太和於卯翼攬草木之
清麗濯雲烟之絢碧被文繡於外体抽肺腑之吾色
將自拔於群飛羗好脩而強飾吁嗟乎余身之章兮
又安知非余身之賊祝網密而群室虞机張而羽積
林無全骸野絕胎息觸骨崆之紛然聊捧音於彼木
濯余羽兮清泉克余楛兮棟實固將坐錦衣於泥塗
被黼藻於荆棘者与悲夫太上貴質其次有文而
好自用斯為下矣猩血染而管泣象齒几而身靡鷹
能搏而困軒楹馬能馳而厄鞭策龜以笑焦翡翠以毛
死是故君子不失足於人而黃中通理也弟正平之

鸚鵡悼賈傳之飛鵬訪嵇氏之昂鶴聯楊家之砥犢
拜自獻者何心祇腥臊于假肉已矣乎春山空兮春
水頰春雨零兮春草肥天地為樊兮日月為戰優哉
非哉兮歎渴食飢卸鐘鼓於魯饗謝蕭韶於舜儀被
霧中之玄隱固將有感於陶妃

翰音賦

若知鷄乎錦夜繡翼狐味莪冠被鳳之彩棟鶴之翰
音聲浚美容止輕鮮翹羽族之稠濁諒五德之獨全
然而沐浴泥沙步咏虫豕曉樹棲早晚柵藏縷朱
頭：進退失鮮夫豈慕鳳皇之悉匹仰鷹鷂而護雛

不借力於九萬遂扶搖之所圖鸞鳩槍榆鳥鵲遶月
甯咏非雄羽毛未刷猶吹起而驚飛吾何獨守此桀
也尔則明河在天曙色上戶一振声於兩翮若怒飛
而遠蕭勢甚超凌力則困阻氣亦飄揚身不能奉如
長沙之誼蚕室之迂過永之抑諂潮之韓匪志氣之
不厉獨墮影於孤騫既漆我羽又礮我距謝雲霄之
羽儀抱村落之風羽悵升躡之有命匪軒沉之在人
間爰居之贈澄六辟風乎魯門

蟠松賦

渺堪輿之神氣孕東海之平靈紛百昌之田宅儼孤

松之結蟠根半歛以秀出枝萬折而回環元神物之
附灵時矯首而盤桓瞰然鱗甲之四縱傑出頭角而
噴吐霧中瑱合雲衣畫飛非鞭霆而欲駕則既雨而
利歸尔則童叟僊侑恍然列象之別捷風雨吟哦又
似夫葉公解衣盤礴雷電至而馳馳也噫嘻龍為物
靈不離鱗甲躡日月撼山淵不崇朝而雨六合何其
神也控括禹宮之梁斷崩雷澤之核延平之劍津吏
夜驚長房之竹騰波自駕象罔求而不得雲霧集而
時化又何其幻也而况乎青髮君之盤蹠秦大夫之
春容妙婉蛭於氣毋抱不化之神蹤龍不知其為松

松不知其為龍人不承澤螻蟻為宮龍乎松乎出家
間之雷車走隴上之雨工松乎龍乎撫亭曲以一嘯
山回立而長風

鳳花賦

若知鶴林之神乎霜月如銀西風砭人丹艷自春何
以羽翼貴此玻璃爛然九苞薄為孤鳳百鳥无声精
采欲動吾聞蜀山之魄下故墟而啼冤洒丹血以成
葩幻七之妖仙逐羽族之初服宛來儀之踟躕出
不化之神為帝為鵲為花為人而復幻丹穴之形有
不可致詰於洪鈞難憚儀而斷尾鶴存雛而投羽机

心洞人網目如雨將色舉於朝陽甘草木以同腐者
平噫嘻良嶽之植政和之網輦而致之汴水湯：一
鷗不發推折魚光天子曰听請歸故鄉抱刑而旋東
氣重兮蓋天津之声音既饒矣使一見賞幸則華林
之观銅雀之二喬矣其不為強項供奉之所笑者几
希安在德輝而下之立翠微之曉月伴棟樹之後風
萬卉欲寂空山白紅太牢鍾鼓而不慙紅裙擅板而
不驚蒼梧楚：翠竹亭：清風徐來求皇欲鳴淅不
知花之精鳳之靈吾六蝶我之俱化歌樊詩之商声

賓月堂賦 并序

永嘉葉伯幾士林識之西湖之上清風襲人
真畏友也未几遂為吾州師出其翁賓月堂
圖俾賦之翁既分教江西遠在千里猶夫覲
也其辭曰

南雁主人既堂成之夕天宇清新玉露橫陳若人有
兮駕言征東徘徊斗牛歌奮雨之不來歎浮雲之於
我將有謁于主人之堂於是斐廉揖至大夫掃門初
猶讓登顏色未分久乃拾級流光若齊主人方坐堂
上仰見玉人顧而樂之罷琴與書三揖入幃作而曰
靜而清默而明不將不迎應物無形此佳賓也吾嘗

過于逝川之上不沈不浮與時俱流又嘗觀子東山
之巔不磷不緇清風自怡子不我賓而賓于誰今夕
何夕寧不我規賓亦從容不覺前席若有言曰吾聞
皎者易汙盈者易虧潛雖伏孔之昭明吾誠也
食而見更而仰過吾資也是故大白若辱懼陰滓之
或來也大盈若冲信滿盛之必移也吾知吾情而已
又烏以規子為主人起謝入而謀諸婦洗觥具酌與
賓相屬主人起飲賓不語主人趣舞賓下漚對影成
三賓不去於是歌太白之詩屬坡仙之句鸚鵡更寒
天河東注主人既醉而寢賓去不顧

吉祥賦并序

吉祥草酷似蘭而踈秀異之海國有其種
云十歲一花然鮮有見者余過僧智傳之室
見一本紫莖而花莖總二寸綴花數十似瑞
香而欽小近散之有香氣傳且謂余曰種且
十五年矣今總一開感係之餘賦以自廣

曠靈姿之幽絕蔓天竺之化城挺纖踈之奇植負吉
祥之加名孰北滋於下土宜見擢於衲僧方其根移
露本盈壅春膏凝紫莖之逞瑞侂蘭蕙於亭阜然而
朝培夕溉十有五暮春風秋露日以披滋卒深韜而

重發何堅忍而舒遲諒得天之獨厚不驟悅於時宜
俟半世之力深迺舒英而揚噫嘻江路微暖野梅
漏枝駘蕩未透宮楊既絲本俟夏而聚綠葉迎秋而
飄飛含英之本麗土之支孰不聽造兒之鼓舞候氣
毋之推移耐靜於寒暑不致榮於侮萎噫嘻竊越
之學請三十年文公之伯十九載而述

沙之誼之寧志於初歲玉樓之賀無靜心於早慧一
發泄而輒衰萬不成而敗繼余嘗感人事於河清之
期悟城非於鶴歸之世三竊桃而人未知年屢變海
而帳其東逝譽美草之感余起余衷之繆計尚深根

以需榮悅來時之未艾諒就木之歎婦又安能訪此
花之開閉

老婆牙賦并序

東海有物曰老婆牙疥疔醜石指之得膏是
可恠己隄州任子為之賦曰

何氣母之形幻縱造兒之經紆採川石之珍錯得老
婆之蛻牙既齶齶而戲斷亦齶齶而齶斷乍新槽於
屏竹終齶笑於浪花漱燕乎春潮呀呷乎寒沙如懷
英之石露氣之蜂或稜屬而牆壁或異宅而殊封者
予于時菜鮓逗香葛禪魚句寒木頭之叢耳撥江上

之破布忽真才之墜余尚流涎之點：登徒齶唇之
妻於是乎朶頤玉川赤脚之婢遂為之掩口又况青
女弄嬌玉妃試于風姨窺軒月妙呈臍推案上之黃
妳剪甕中之酒毋頰碾砢於寒釜堆疥疔於古疔目
掄齒決換獻石指得金膏於涉礫吸玉液於疔朽燕
不償勞爭取恐後噫嘻悲夫薜華之妹齶犀鮮：素
質化已遺齶齶狀輔已脫而車在唇既亡而不寒豈
舌柔之易毀而齒剛之反全諒堂下之乳婦宜對此
而研齶

水仙花賦

眇伊人之蟬蛻兮。宅清冷以為扉。越蓬隔弱智不知
其几千里兮。致予望之。忽軒窓之翠倩兮。見此綽約
之芳姿。曳青松之華裾兮。倚玉薤之標。迢遠清霜
之夕。徘徊明月之夜。佩乞碧霞衣。紉綠雲金杯。盟雨
玉盤承津。斟和注淳。斟酌天鈞于時。庭空人靜。萬竅
不作。声沈步虛之歌。奏香鈞天之樂。江妃具俎。以進
羞海若充賓。而酬酢持杜解。而未揚想堂中之歡。樂
予六洗盞更酌。接芳蕤而為客。緩飲頽然不知天河
之既落。

庭椿賦

燕山之陽南冥之濱。有大木焉。其名曰椿。蓋抗歲時
而聳立。揭造化之躋。昔與相彼奇亭。夷庚掌平迤
曠。竄材薨椽列星。維陋巷之蕭。兀岿人之柴。高有
椿喬然。闕乎中庭。玄雲構其堂宇。秀色結于軒楹。現
其崇根。碩本挺柯。網葉蓊。鳥尊。鳥青冥。踏。皮
溜雨而胼胝。幹拂電而冗選。簞日月之氣。陰控雪霜
之飄。颯千尋引而表端。萬鳥棲而影接。蓋根柢之臃
腫性也。豈不美乎。莊生之標枝葉之榮。暢時也。又何
歎乎。王氏之槐耶。訪歲寒之松柏。斯老人之豫章。或
輪囷以為奇。或偃蹇以為傑。孰与夫却匪石而鬱葦

謝萬牛而崔嵬者 尔則稚竹株連弱松肺附結構
根於地軸籍末濡於雨露想其簇幹軒幪列万間之
屢屋不足以喻崇條鱗輳雖十社之紛榆又何足以同
年而語耶於是天翔其貞地隆其植寒暑節其涼温
鬼神呵其峻特醴泉夜注而人不能挹以草木之滋
卿雲晨覆而人不能衣以青黃朱綠之絲人不足以
扶持而終風不移人不足以悅懌而陽春色怡此所
以俯視君遷傲睨平仲而永為斯庭之瞻依也耶彼
尋常之橋梓亦何足以與乎斯

石假山賦

天地之間境足以移人人移之而飄忽物足以致人
人或可以致物此操地之神所以對愚公而斲臯也
抱然犀之餘照覽其區於一日豎波臣之晝泣開水
府之群玉竭煉之遺禹餘之斲隕而星芒結而水沫
耽枯影之申徒掣黃鉞之沉璧何其奇也尔則鉄繩
千尋魚貫萬夫冰厭人而不悔鞭有血兮疾驅躡者
踞者立者蹶者鉅者劇者獨者附者似鼻似口似蹄
似股似蟠而虬似開而虎雲幻狀兮孤窈鳥停思兮
欬齋神剋鬼削關面呈跌出灤濮於華林納乾坤於
一壺九華曉立五老前揖坂賜履之登躋養瞳神於

萃兀誰欵抱琴徙倚而吟樂山之樂萬古此心草華
木滋挹其仁也霞吞霧吐擊其神也厚載靜容德我
則也霏翠排青色我觀也真趣已止枯立堂：子胡
樂之以偽翼狂主人曰嘻不毛之珍天不恠取終日
之介置我丹府誓言不移客揖而去

不礙雲山堂賦并序

他日太學陳博士為余言大夫陳次賈之賢
會其子自錄教事于鄞及交之嘗曰不礙雲
山堂先人南擊翁之所築也今更深密存先
扁大惧先志之不白子其賦之其詞曰

紛吾車而風駕渺九軌其何之歲冉：而不留况秋
露之夕滋弭節蒼梧之野醜酒岷山之碑羗泯迹之
莫余追也靈龜許予以改行江妃要我以既渡濯予
舟而五覆駕陽侯之初怒洄不可矣徑遡也於是晞
雷峰賦石唐領跨五花岩跪群羊心夢：其如醒散
清飈於流矚訊厥考之初構市紛束而擊鼓神默：
以昇于閔歲年而抱獨尔則雞大桃源父老秦服石
屋無靡陰雲覆是朝雪漢兮濯襟夕晞髮兮溪之岑
抽玄鑰矣參同餐神氣兮丹林囿群山兮雙門帳白
雲兮南墅傲萬物之虛舟獨翱翔于天府嗟夫雲山

之奇造物所吝訪雷澤之平蕪恫專車之後觀弔衣
冠於江左之年問風流於王謝之舊想其尺烟寸雲
質：然紅裙蠟屐之所到人不得擅而有也雖款分
煎芥之夕陽占漁柳之明月慮有德色矣斷林火青
顏垣南黑睇猿鶴其何人載英風於上國尔乃意行
莊舄之吟足重下車之揖心舒体狀日靜神逸向之
禹安絕現屈辱於牙籌金埒之家者得不獻笑而迎
排青而立也於是抚其園而為之辭曰山之南兮有
堂漱丹井兮伯陽翁之澤兮可觴溪之雪兮可相是
為群山之園兮以翔乎先友矣落星食舊德兮炊香

豈為冀矣田荒筆耒兮兒壘歲將莫兮無梁豈無人兮康莊

瑞粟賦

翔鳳蔣東菴家刈粟長沙塘之上得一莖七穗為東海任士林聞而賦之曰

長塘之陽維粟穰：匪駢匪枝一穗七莖匪雨露之私
匪神氣之賦維君子之臧天揭之祥牝牡異宇卉
葉間芳豈不偶見妖人之狂拱桑理木岐麥穎禾世
衍時成瑞出則訛今茲歎之民蝕吏苛七極在壘賁
此坡陀悞盡地力略益三斗穗不七兮民害以厚錯

寶塞下日輸百萬穗不七兮民竭飛輓符君之仁克
然猷畝和以從兄孝以奉母日服其錡地亦發漏百
里牛肥仲尼羊茁視粟知人田父孔悅何以繪之維
此有象誰與紀之竹林壤：

寶鹿賦

成宗皇帝臨御之明年陞奉化縣為奉化州
於是始興復文公書院于寶麓之陽既成假
祠吏任士林賦以落之其書曰

紛萬山而越行兮氣蜿蜒以冲融東赴海而將窮兮
勢糾結以益隆又折鄞而東行兮首開元之故封出

雲南之廿里兮摘青標於秋風斲華頂之右股兮乃
益崇其西壠以太白其逆走兮柱南山而膺室下廣
衍兮為疇為丘中既滄兮為洄為流忽室鹿其隆起
兮寔枕雄乎一州喧極於釋子之鐘鼓兮屈辱於牧
豎之策笠又不知白雲蒼狗幾變幻兮而春忽秋也
木偃蹇其獨臥兮而秦封之不受固將叩其據於混
沌也花摧折其特芳兮而移根天上之年藤乎其犹
可問也於是訪昔人之所廬兮得嘉定之故址察鳶
魚之上下兮收端倪於天地迥蓬蘞迺斷松梓棟
突兀其凌雲兮門洞開而出日水抱曲而吞江兮山

橫陳而架筆，羗紫陽之舊祀。兮有白鹿之初訓，瞻申
中之燕居。兮立青、之彥俊，以游以息，以誦以習。時
風乎其詠，舞兮曰微。吾其誰婦，日弥而其錯。仰兮置
卓乎其如立，噫嘻道不擇地而存矣。地不擇勝而尊
躡廣大矣，精微之用著。宅高明兮，中庸之体其鄙。從
事於斯文兮，其有考於廢典之故。

燈花賦

夫何清夜之炳，兮吐非艷之灼。日抱鳥而行空，
兮月樹桂而流魄。矧膏火之自煎兮，乃含華而舒萼。
出坎離之遺濟兮，繫火車於尺宅。返永神於九死兮，

忽金芽之中折。曰惟人事之吉兮，功或成神於龜燧。
主人曰吁，蒸成菌樂出虛。呵骨祝凡，迎鵲避鳥。是固
率夫下而達也。物有僥來，豈固以喜為示也。事有妄
意，亦固以喜為戲也。羗不知其故也。天地沕穆兮，萬
物以遷。人志院祭兮，日繫其天工。為商而智，驚兮接
為構而心然。精神外薄兮，物挹其先。嗜欲將至兮，兆
扣其玄。紛吾車而交誘兮，固鬼神之所玩焉。莘女入
兮，昌出囚越。施進兮，蠶具舟姜。醉遣兮，戈遂羸侍巾。
兮夜挾輶，贈予策兮。祝禱釋子，騶兮中流。兆豈足以
行矣。机密庸其所投，竿簞兮車以載。築登兮象

以東五羊百里一言千秋堂下驪花旋中鳥周允夢
寐之不化燈有占兮何由至若角枕繫兮夜泣守宮
殷兮臂紗濕織室兮魏倂趙近家兮代籍斬人袪兮
許謀射人鉤兮縛釋將孰從而訊之抱驚魂之初惕
鼃鼎香兮羔美朶我頤兮動我指食既戒兮皮冠何
從酒在盛矣睨無禍之與同彼夢泣而且旦改或壺
而獲凶府潭々而具刑兮壇蠹々而趨縛位上卿而
東市兮身四輔而仰藥九錫具兮神龍啓美新兮魂
索呂肉赤兮霍骨白薄氏貴兮昭誅成毋尊兮王氏
礫襟如意兮豕人立玉樹歌兮擒虎迫諒兆吉於未

然亦是化之所譴鄂讎々兮誰欣終不滅兮誰虐歎
夫憂樂同域矣吉凶迭馳利害焚槐兮是非守机喜
不足德以色兮戚不足以面眉天不可以逆計兮道
不可以預推遠來時兮遠去順遭悲欣兮目一瞬驅
五步而却正兮有千里之陰朔抱牆角之短藥兮聊
以對白頭之繁燼

蝮蚓賦

大塊噫氣人籟心竹而善鳴者則有群物以旁以注
以注以肖以臆以照以翼類不足而足也彼却行之
微息示土德於帝初進不吸風露之技退不登鼓吹

之卑誤中斷於斤斷而蠕動之自如。如壯聲之激發而止作之誰欤。時則綠雨圍陰碧雲漏晴江月流清得意自鳴人聞之而復寂夜中分而既停何其異也。予不聽之以耳而聽之以心而聽之以氣也。嗟夫！人之聲生於所感；生於所遇耳目心志其具也喜怒哀樂其樞也。故發若机括振若金石感之者形聞入之者心。擢是以飯牛虞夏九歌五噫安知非弱喪而不知歸者耶。彼且委形於天委和於壤聊以呻吟其天倪不足係人間之俯仰。童子曰：吁！含化以濡不如抱枯舍聲以咲。不知冬結彼固妄鳴之子亦妄聽。

之矣

